

Supervizor za Brčko izdao Nalog supervizora u cilju poboljšanja zakonskih propisa Distrikta i njihovog usklađivanja sa uslovima iz Konačne arbitražne odluke



Supervizor za Brčko dr Raffi Gregorian izdao je danas Nalog supervizora kojim se donose zakoni koje je pripremila Pravosudna komisija Brčko Distrikta i dopune Poslovnika o radu Skupštine Brčko Distrikta koje je pripremila Stručna služba Skupštine Brčko Distrikta. Zakoni i dopune proizilaze iz stavova 6 i 7 Naloga supervizora od 21. decembra 2009. godine i imaju za cilj da olakšaju i poboljšaju djelotvornost i funkcionalnost sudova i drugih institucija u Brčkom, kao i da obezbijede zaštitu interesa, status i ovlaštenja Brčko Distrikta putem djelotvornog postupka i očuvaju usklađenost nakon okončanja supervizije.

Supervizor je zahvalio Pravosudnoj komisiji Brčko Distrikta i Stručnoj službi Skupštine Brčko Distrikta na tome što su pripremile neophodne nacрте u roku koji je propisan njegovim Nalogom supervizora od 21. decembra 2009. godine. Supervizor za Brčko je odlučio da riješi ta pitanja putem Naloga supervizora, kao najbrži način da se olakša sprovođenje Konačne odluke u pogledu implementacije Amandmana I na Ustav BiH u institucijama Distrikta, te na taj način otkloni bilo kakvu pravnu nesigurnost do koje bi u suprotnom moglo doći usljed kašnjenja.